



Inatsisartunut ilaasortaq Anthon Frederiksen, Parti Naleraq

Annikitsumik aatsitassarsiornermik suliaqarneq pillugu § 37 naapertorlugu apeqquteqaammut nr. 2016-208-imut akissuteqaat

Inatsisartut suleriaasianni § 37, imm. 1 naapertorlugu Naalakkersuisunut apeqqutit matuma kinguliani allassimasut saqqummiuppatit.

09.august 2016
Sagsnr. 2016-12010

Postboks 930
3900 Nuuk

Tlf. (+299) 34 68 00

Fax (+299) 32 43 02

E-mail: mmr@nanoq.gl
www.naalakkersuisut.gl

1. Inuit ataasiakkaat ujarassiornermik soqutigisallit inuussutissarsiuutigaalugu ingerlataqassagunik periarfissat aqutissallu suut atorsinnaavaat?

Akissut:

Inuit annikitsumik aatsitassarsiornermik akuersissummi soqutiginnittut, annikitsumik aatsitassarsiorneq ujartillugu annikitsumik aatsitassarsiornermik akuersissutit pillugit Naalakkersuisut nittartagaanni www.naal.gl imaluunniit uani www.sullissivik.gl atuarsinnaapput kiisalu qinnuteqarnissamut immersugassat nassaarisinnaallugit.

Annikitsumik aatsitassarsiornermik akuersissutit assigiinngitsut marluupput, kisermaassisussaataitaalluni aamma kisermaassisussaataitanani.

Kisermaassisussaataitanani annikitsumik aatsitassarsiornermik akuersissut sumiiffimmi kommunip sumiiffianiittumi aatsitassanik akisuujungitsunik aatsitassarsiorluni misissuinissamut piaanissamullu akuersissutaavoq. Pisinnaatitsissummi pigisaqartut immikkut akuersissummi peqaratik sakkunik motooreqanngitsunik tigummiannartakkanik atueqqusaapput. Piffissaq akuersissuteqarfiusoq ukiunik 3-inik sivilissuseqarpoq.

Kisermaassisussaataitaalluni annikitsumik aatsitassarsiornermik akuersissut sumiiffimmi 1 km²-isut annertussusilimmi aatsitassanik akisuunik aamma akisuujungitsunik aatsitassarsiorluni misissuinissamut aamma piaanissamut akuersissutaavoq. Sumiiffiup taassuma iluani pisinnaatitsissummi pigisaqartoq aatsitassanut kisermaassisussaataitaaffeqarpoq. Pisinnaatitsissummi pigisaqartoq ikorsiiniutinik tigummiannartakkanik kiisalu motoorilinnik atueqqusaavoq. Qaartiterinissamut, qillerinissamut imaluunniit nunami biilernissamut tamatigut immikkut akuersissuteqarfigineqarnissaq piumasaqataavoq. Piffissaq akuersissuteqarfiusoq ukiunik 3-inik sivilissuseqarpoq. Kisermaassisussaataitaalluni annikitsumik aatsitassarsiornermik akuersissummi pisinnaatitsissummi pigisaqartoq, peqarfimmik piarneqarsinnaasumik paasinarsitsisimasoq aammalu tassani piaanermik aallartitsisimasoq, pineqartup atugassarititaasut annikitsumik aatsitassarsiornermik akuersissummi allassimasut naammassimagunigit, piffissap akuersissuteqarfiusup ukiut qulit tikillugit sivitsorneqartarnissaanut pisinnaatitaavoq. Taamaattoq piffissaq akuersissuteqarfiusoq ukiunit 30-inik sivilissuseqarpoq.

Suliffeqarfiit, kalaallinit pigineqartut imaluunniit nunanit allamiut, annikitsumik aatsitassarsiornissamut akuersissummik pissarsisinnaanngillat. Akuersissut taamaallaat inunnut ataasiakkaanut tunniunneqarsinnaavoq, takuuk apeqqut nr. 2.

2. Inuit ataasiakkaat ujarassiornermik soqutigisallit qanoq iliussappat ujarassiorfissamik piiaaffissamillu qulakkeerinnissagunik?

Akissut:

Inuit annikitsumik aatsitassarsiornissamut akuersissummik soqutiginnittut, annikitsumik aatsitassarsiorneq ujarassiornermik aatsitassarsiornissamut akuersissutit pillugit Naalakkersuisut nittartagaanni www.naal.gl imaluunniit uani www.sullissivik.gl atuarsinnaapput kiisalu qinnuteqarnissamut immersugassat nassaarisinnaallugit.

Aatsitassanut ikummatissanullu inatsimmi § 32 naapertorlugu annikitsumik aatsitassarsiornissamut akuersissummik pissarsinissamut piumasaqaataavoq, inuk ukiuni 5-ini tamatuma siornaniittuni Kalaallit Nunaanni aalajangersimasumik najugaqarsimassasoq aammalu ukiuni 5-ini tamatuma siornaniittuni taakkunani Kalaallit Nunaannut akileraartussaataasimassasoq. Tamatuma saniatigut kisermaassisussaataitaalluni aamma kisermaassisussaataitanani annikitsumik aatsitassarsiornissamut akuersissummumut qinnuteqarnermi akiliut DKK 1.000 aamma DKK 500 akilerneqartussaavoq.

3. Inunnut ataasiakkaanut ujarassiornermik soqutigisalinnut ujarassiornermut piiaanissamullu nunaminertat suut qassillu qinnuteqarfigisinnaavaat?

Akissut:

Aatsitassanut ikummatissanullu inatsimmi § 33, imm. 5 naapertorlugu inuk qaammatsiutit malillugit ukiumi ataatsimi 5-ini amerlanerusunik annikitsumik aatsitassarsiornissamut akuersissutinut pisinnaatitsissummik pigisaqartoqqusaanngilaq.

Sumiiffiit kisermaassisussaataitanani annikitsumik aatsitassarsiornissamut akuersissummumut atatillugu qinnuteqarfigineqarsinnaasut tamarmik kommunip sumiiffianiittarput, tassa imaappoq Qaasuitsup Kommunia, Qeqqata Kommunia, Kommuneqarfik Sermersooq aamma Kommune Kujalleq. Taamaalilluni sumiiffiit taakkua iluanni aamma kisermaassisussaataitaalluni annikitsumik aatsitassarsiornissamut akuersissummumut sumiiffiit 1 km²-iusut qinnuteqarfigineqarsinnaapput. Taamaattoq sumiiffimmi kisermaassisussaataitaaffiusumi aatsitassarsiorniluni misissuisoqarsinnaasoq piiaasoqarsinnaasorlu ingerlatseqatigiiffiit allaganngorlugu akuersisimanngippata, sumiiffinni ingerlatseqatigiiffiit kisermaassisussaataitaaffigisaanni annikitsumik aatsitassarsiornissamut akuersissummik qinnuteqartoqarsinnaanngilaq.

Taamaattoq aamma sumiiffinnik peqarpoq qinnuteqarfigineqarsinnaanngitsunik, assersuutigalugu naasoqarnera uumasooqarneralu, itsarnitsanik imaluunniit kulturikkut oqaluttuarisaanermut tunngasunik nassaartoqarsimanera pissutigalugit. Tamatuma saniatigut sumiiffinnut eqqissimatitaasunut maleruagassanik immikkut ittunik atuuttoqarpoq, assersuutigalugu Nunami allanngutsaaliukkami.

4. Inunnut ataasiakkaanut ujaqqanik pinneraasiornissamut soqutiginnittunut suut aporfiuppat? ujaqqanik pinneraasiassanik ujaqqanillu erlinnartunik atuinissamut piiaanissamut?

Akissut:

Aatsitassanut ikummatissanullu inatsisit atuuttut naapertorlugit inuup kisermaassisussaatitaanani annikitsumik aatsitassarsiornissamut akuersissummik pigisaqartup ujaqqanik pinneraasiassanik aamma erlinnartunik akisuunik piiaanissaa ajornarpoq, soorlu rubinit, safir-it, diamant-it, chrysoberyl-it aamma opal-it. Inuup peqarfimmi taamaattumi piiaanissaq kissaatiguniuk, pineqartoq sumiiffimmi pineqartumi kisermaassisussaatitaalluni annikitsumik aatsitassarsiornissamut akuersissummik qinnuteqassaaq.

2016-imi ukiaanerani ataatsimiinnermi Aatsitassanut ikummatissanullu inatsimmut allannguutissatut siunnersuummik saqqummiussisoqartussaavoq, tassani ilaatigut inuinaat aamma kisermaassisussaatitaalluni annikitsumik aatsitassarsiornissamut akuersissummik peqaratik, ujaqqanik pinneraasiassanik aamma erlinnartunik akisuunik katersisinaanissamik periarfissaannik ammaassisisoqassalluni.

5. Ujaqqanik pinneraasiassanik ujaarlernermit akuersissutit qassit sumilu suliffeqarfissuarnut nunatta avataaneersunut tunniunneqarsimappat?**Akissut:**

Aatsitassanut suliassaqarfimmi 1. juli 2016 atugassarititaasut nalinginnaasut tunngavigalugit aatsitassarsiorniluni misissuinissamut akuersissutit 59-it suliaraqfigineqarput.

Uani <http://licence-map.bmp.gl/> nunap assinga sumiiffinnik akuersissuteqarfiusunik suliaraqfigineqartunik qinnuteqarfigneqarsimasunillu tamaginnik takutitsisoq, takuneqarsinnaavoq, ilanngullugu kikkut pisinnaatitsissummik pigisaqartuunersut, pisinnaatitsissut qanga tunniunneqarsimanersaq aamma atuuffissaa qaqugu naassanersaq, kiisalu pisinnaatitsissummumt nunaminertaq. Nunap assinga ingerlaavartumik nutarterneqartarpoq.

6. Suliffeqarfissuarnut nunatta avataaneersunut ujaqqanik pinneraasiassanik erlinnartunillu ujaarlernermit atatillugu piumasaqartoqartarpa? Ujaarlerneq qanoq sivilutiginersaq?**Akissut:**

Aatsitassarsiorniluni misissuinissamut akuersissutinut nalinginnaasunut (ingerlatseqatigiiffinnut atuuttunut) piffissaq aatsitassarsiorniluni misissuiffiusussaq ukiunik 5-inik sivilussuseqarpoq aammalu atugassarititaasut atuuttut naammassineqarsimappata aamma qinnuteqaateqarnermut piumasaqaatit siviluinissamik qinnuteqaateqarnermi naammassineqarsimappata, ingerlatseqatigiiffiit ukiunut 5-inut allanut siviluiffineqarnissamut pisinnaatitaapput. Tulliullugu piffissaq aatsitassarsiorniluni misissuinissamut akuersissuteqarfiusoq ukiut 3-it tikillugit sivilsorneqarnissaa qinnuteqaatigineqarsinnaavoq imaluunniit peqarfik niuernermit tunngaveqartumik piiaaffiusinnaasoq ingerlatseqatigiiffik isumaqarpat piiaanissaq qinnuteqaatigineqarsinnaalluni.

Ingerlatseqatigiiffik peqarfimmi nassaarineqartumi piiaanissaq kissaatigippagu, piiaanissamut akuersissummik ukiuni 30-ini atuuttussamik pissarsinissaq periarfissaavoq. Piiaanissamut akuersissutip sivilunerpaamik ukiunut 50-inut sivilsorneqarnissaa periarfissaqarpoq.

7. Ujaqqanik pinneraasiassanik erlinnartunillu ujarlernermit akuersissutit tunniunerannut atatillugu suut piumasaqaataappat aamma akuerineqartut qanoq nakkutigineqartarpat?

Akissut:

Ujaqqanut pinneraasiassanik aatsitassarsiorluni misissuinissamut, aatsitassarsiorluni misissuinissamut akuersissummik tunniussinermi, aatsitassanut suliaasaqarfimmi aatsitassarsiorluni misissuinissamut akuersissummik tunniussinertuulli piumasaqaatit tunngaviummik piumasaqaatigineqartarput.

Ingerlatseqatigiiffinnut aatsitassarsiorluni misissuinermit suliaqartunut piumasaqaatit tunngavissarititaasullu tassaapput, ingerlatseqatigiiffiit suliaqarnermut ingerlatassaminut pisariaqartunik sulianut piginnaasaqassasut aamma aningaasaqarnikkut tunuliaqutaqassasut. Suliffeqarfiup aamma ingerlatanik unitsitsinermut matusinermullu aamma avatangiisinik alapernaarsuinermit immaqalu tamatumunnga atatillugu avatangiisinut iliuusaasussaasinnaasunut aamma avatangiisinik saliinissamut ilaalu ilanngullugit tunngatillugu pisussaaffimminik naammassinnissinnaanissaata aamma qulakkeernissaanut, aningaasaqarnikkut pisinnaasaqarneq naammattumik annertussuseqartariaqarpoq. Ingerlatseqatigiiffik aatsitassarsiorluni misissuinissamut akuersissummik tunineqareerpat, ingerlatseqatigiiffiup aatsitassarsiorluni misissuinissamut pisussaaffiit naammassisussaavai aammalu ingerlatassat suut asimi suliaqarfiusussami ingerlanneqartussatut pilersaarutigineqarnermut suliaqarnermi pisussanut pilersaarummik nassiussisussaalluni, aammalu ingerlatat taakkua suliarineqareerpata asimi suliaqarnermut nalunaarusiamik nassiussisussaalluni. Pisinnaatitsissummik pigisaqartup aamma tamatigut kalaallit Nunaannit aatsitassanik annissinermi avammut niuerutiginninnissamut akuersissummik tunniussinissaq pillugu aalajangersakkat nalinginnaasut malittussaavai.

Aatsitassanut Ikummatissanullu Naalackersuisoqarfik tamatuma saniatigut ujaqqanik pinneraasiassanut, aatsitassarsiorluni misissuinermit ingerlatat ilaattut piiarneqarsimasunut, toqqorsiviit takusarneqarnissaannut avataaneersumik siunnersortimik ikiorteqartarpoq aammalu pisumi ataatsimi siunnersortip avataaneersup takusaanerani peqataasimalluni.

Aatsitassarsiorluni misissuilluni ingerlatani anginerusuni Aatsitassanut Ikummatissanullu Aqutsisoqarfiup ataani Teknikkimut Nakkutilliinermullu Immikkoortortaqarfik, aatsitassarsiorluni misissuinermit ingerlataqarnerit inatsisinut atuuttunut, ilanngullugit asimi suliaqarfiusunut maleruagassat kiisalu upalungaarsimanermut pilersaarutinut il.il. piumasaqaatit immikkuullarissut, sulinermit pisussanut pilersaarutinik ataasiakkaanik akuersissuteqarnermut tunngavissarititaasunut piumasaqaatigineqartut, naapertuuttumik ingerlanneqarnerat qulakkeerniarlugu nakkutilliisarpoq.

liuusissat matuma siuliani allassimasut aatsitassarsiorluni misissuinnermut atatillugu taamaallaat atuupput. Ujaqqanik pinnersaasiassanik niuernermit tunngaveqartumik piiaanermi, nakkutilliinnermut, nakkutiginninnermut isumannaallisaaanermullu allarlunnarnik qaffasissunik piunasaqaateqartoqartarpoq.

Inussiarnersumik inuulluaqqusillunga



Randi Vestergaard Evaldsen



Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

Naalackersuisunut apeqqut:

- 1. Inuit ataasiakkaat ujarassiornermik soqutigisallit inuussutissarsiutigalugu ingerlataqassagunik periarfissat aqutissallu suut atorsinnaavaat?**
- 2. Inuit ataasiakkaat ujarassiornermik soqutigisallit qanoq iliussappat ujarassiorfissamik piiaaffissamillu qulakkeerinnissagunik?**
- 3. Inunnut ataasiakkaanut ujarassiornermik soqutigisalinnut ujarassiornermut piiaanissamullu nunaminertat suut qassillu qinnuteqarfigisinnaavaat?**
- 4. Inunnut ataasiakkaanut ujaqqanik pinnersaasiornissamut soqutiginnittunut suut aporfuppat? ujaqqanik pinnersaasiassanik ujaqqanillu erlinnartunik atuinissamut piiaanissamut ?**
- 5. Ujaqqanik pinnersaasiassanik ujaarlernermut akuersissutit qassit sumilu suliffeqarfissuarnut nunatta avataaneersunut tunniunneqarsimappat?**
- 6. Suliffeqarfissuarnut nunatta avataaneersunut ujaqqanik pinnersaasiassanik erlinnartunillu ujaarlernermut atatillugu piunasaqartoqartarpa? Ujaarlerneq qanoq sivistigissanersoq?**
- 7. Ujaqqanik pinnersaasiassanik erlinnartunillu ujaarlernermut akuersissutit tunniunnerannut atatillugu suut piunasaqaataappat aamma akuerineqartut qanoq nakkutigineqartartapat?**

(Inatsisartunut ilaasorta, Anthon Frederiksen, Partii Naleraq)

Tungavilersuutit:

Ujaqqanik pinnersaasiassanik erlinnartunillu ujaarlerneq piiaanissarlu tupinnangitsumik maani najugaqavissunik soqutigineqaleraluttuinnarpoq, aamma neriuutiginaqaaq nunatsinni aningaasaqarnikkut maanilu nunaqavissunut tamassuma iluaqutaallualernissaa.

Taamaammat assut soqutiginarpoq paasilluassallugit, nunatta avataaneersunut ujaqqanik pinneraasiassanillu ujaarlernissanut akuersissutit maannamut tunniunneqarsimasut qanoq amerlatiginersut, taakkunungalulu piunasaqaatit qanoq ittuunersut.

Taamatut aamma nunaqavissut namminerisaminnik aallartitsiniartut qanoq periarfissaqarnersut.

Ullut suliffiit qulit qaangiutsinnagit akineqarnissara kissaatigaara.